

胡

子

衡

齋

士

胡廬山先生講道螺水之

上四方考德問業其門者

屢恒滿焉余從鄉邦後雅

慕先生有年昨遊吉之祠

江思造請函丈先生聆余

至翻然就之會余以親病
返舍尋為時迫出山至人
雖遇大道難聞瞻彼日月
悠悠我思矣頃友人來自
長洲傳曾明府手書示余
新刻胡子衡齊且委之序

初讀之洋洋乎纚纚乎何其工而則辨而不肆也嘆曰富哉言乎再讀之雍雍乎井井乎又何其平中不偏極於變而不離乎宗也復歎曰至哉言矣昔謂孔

子沒微言絕七十子率而
大義乖言曷稱微天下隱
然而莫測其指是也義曷
云大天下曉然而咸通其
故是也揭大而涵微者聖
也闡微而溯大者賢也試

取魯論中庸二書覆誦之
而尼思之所繇判可識矣
夫大道甚夷至理無二聖
人懷之斯歆忘言衆人辨
之以相示率莫能定彼局
見拘方者人置一喙妄生

分別秦漢以來何其嘵嘵
也今天下之論滋矣胡先
生安能以已之說為天下
司平而斬然齊一乎蓋
胡先生不能以其說均齊
天下凡天下譚名理指歸

卒不能外先生之言為言
是則所謂衡齊云爾今夫
臆斷輕重誰能自信誰誠
設而低昂不爽者當也意
料長短未色有差度誠設
而尺寸不欺者亦當也在

我權度惟茲惟靈不墮封
畛不囿象數精入無倫大
至不可圖知止斯定定斯
徹徹斯融達乎巨細之倪
而洞乎修短之故由是百
家穀乳庶幾哉其可析衷

乎處窅奧者陵藪蒙翳兮
町疇畦引而登諸泰山之
巔則萬里曠然何闕之有
井鼃谷鮒擅耳目以相娛
莫吾能若試遊乎溟渤之
區望洋東視異派同歸始

足以語大方之家矣。蓋見
大則罔弗平。冥會則罔弗
一。胡先生之學以盡性至
命為宗。存神過化為功。固
已見大而窺源由。是千古
之輕重長短。疇能越焉。昔

王充論衡之著扶疎二十
餘萬言闡摘詭譎取尚理
實蔡邕秘之以為談助乃
其書猥褻無関奚足觀也
莊生齊物論非舉物論之
不齊而齊之也蓋謂未有

物先本無可齊既有物後
自不能齊始喻風竅卒歸
之虛景幻夢為說汪洋自
恣茫無畔涯以余觀於衡
齊懸衆說而歸宿於道二
子室有隸三尺矣斯其可

傳也奚疑會心人遠合并
何期日手茲編面譚千里
是書藏諸名山知其解者
旦暮遇之又何有於余哉
曾明府昔受學胡先生門
一嘗訪余山中高朗士也

甫宰巖邑席未遑暖孜孜
首此以付剗豈特侯芭
之嗜玄哉夫亦漆雕之志
大矣

豫章張位序

胡子衡齋序

胡子之書曰衡齋既成而長
洲令曾鳳儀氏刻之屬不佞
貞序焉夫胡子何以稱衡齋
也衡者平也所以平恆易而
使之當也齋者和也所以和

諸味而使之成也胡子之所
為衡齊也其大指曰吾傷与
他道角吾處吾勝而求彼負
以為異端彼亦受其勝以求
吾負而饑吾之未至不平而
後有事而不能和則害彼兩

謂佛也老也揚也墨也申韓
也彼皆有以自持之吾衡而
平之然後劑而和之則皆為
我用也洙泗之後而有濬洛
之後則吾雋與吾雋角彼此
不求是而求相勝曰尊德性

也道問學也主靜也致良知
也隨處體認也體仁也源一
而流漸異吾衡而平之然後
劑而和之而其源湛如也故
曰衡齊孔子之言純者為魯
論而小雜者為家語有問答

有自言皆門人紀之者也孟子
子之言有問答有自言皆身
著之者也荀子揚子文中子
六身著之者也莊子列子身
著之而問託之問答者也其
後而為周子張子至明而為

薛子皆身著之者也為二程
子朱子至明而為陽明子皆
門人紀之者也胡子之為衡
齋也身著之而間託之問答
者也身著之得無有差乎
哉聖人之教以盡意不盡則

繫辭焉以盡其言夫大者以
道立言次者以言明道以道
立言曰經以言明道曰傳胡
子之衡齋傳也其所以衡齋
之急則明道其明道將以濟
人而執世也意在明道何害

於意不在名何損於道甚矣
胡子之意之審也雖然其辭
得無過脩乎哉孔子之繫易
曰脩辭立其誠立矣何脩辭
之足病且胡子之學心學也
反之心而苟有協耶已蕊嶺

苦縣不諱同也其猶有扞耶即
閔洛閔越不憚異也如其羽
翼乎即弭史卷議不辭采也
可借而彈射乎即齊諧虞初
不虞詭也是故辯善儀秦而
非為強工若丘非而非為刻

送若蒙莊而冰為縱博若僞
向而冰為滌故曰其旨遠其
辭文其言曲而中其事肆
而隱胡子其將庶幾乎哉余
与胡子先後仕于朝而不相
值第聞胡子倡道于東南天

下之有志者慕而趨之若流
水而胡子顧不立門戶惟道
之是明而已雖然吾終以胡
子之辭脩懼天下後世之以辭
求之也然則治胡子者當如
何反之心而協如胡子之于先

詰可也是所謂衡齋之衡
齋也

弇州山人吳郡王世貞撰
六心居士周天球書

胡子衡齊序

衡齊何為而作也胡廬山先生憂世之
儒者論說多端而持衡以齊之也夫言
惡乎齊道惡乎衡楊子有云衆言淆亂
折諸聖在則人亡則書聖人者固後學
之所折衷也先儒有云存文王則知天
載之神又云識得朱濟道便是文王吾
心者又斯道之所取則也蓋自仲尼沒
而微言絕諸子百家議論繁興漢溺於

訓詁唐濫於詞章心性之傳不絕如綫
迨於宋室真儒輩出理學始明其一二
鉅賢力攻著述以開來學精神力量可
謂收儒者之大全然而議論訓釋稍有
矛盾於孔氏我

朝王文成先生揭致良知三字直透本心
厥旨弘暢矣乃其未流侈虛談而勘實
行世之君子猶惑焉嗟夫道之不明則
胡不折衷於聖人又胡不求端於吾心

也昔者堯舜禹更相授受惟曰允執厥
中孔子明大學之道必曰止於至善此
曷以故哉嘗試觀之人生於天地之間
視而不明聽而不聰動作進退而不得
其理則威儀亂有父子而不相親有君
臣而不相事有夫婦長幼朋友而不相
別相序相信則人紀滅養其身不以爲
天下則私役于物反以遺其身則悖探
索於形名度數禮樂名物之煩而日亦

不足則支馳騫於高虛玄遠簡曠自便
之域而實之不存則罔亂也滅也私也
悖也支也罔也有一於此皆心之所不
能自安者也心之所不能自安者非性
之本然故也亂而治之滅而脩之私而
擴之悖而反之支而約之罔而誠之則
性順而心安天生蒸民有物有則遇之
不可不及不可免舜之所謂執中孔子
之所謂止至善由此其選也嗚呼豈非

萬世學者之準的也哉先生衡齊九篇
其大要闡人心之靈則辨物理之非外
而折衷於孔子之訓反覆論証既已深
切著明其謂釋氏本心未嘗非是而特
不能盡心之過一言足以訂千古之是
非學者苟知此意雖以釋氏之明心見
性其究至於出離生死猶於此心此理
未盡而況其揣摩測度視大道猶徑庭
者乎傳曰蔡川者先河而後海貴知其

本也又曰升東嶽而知衆山之崩施浮
滄海而知江河之惡沱貴觀其全也又
曰道若塗若以車航混混不舍晝夜貴
於自強而不息也學者苟知其本又觀
其全而能自強不息則道在我而可以
權衡乎天下之言矣其不齊也無所加
損於道也先生不遠千里緘書遺乎遠
屬之以序遂不辭固陋而敬識其大端
云

萬曆癸未孟冬建昌守德清許孚遠謹
序

胡子衡齊目錄

卷一

言末上

言末下

理問上

理問下

卷二

六鋼

卷三

博辯上

博辯下

明中上

明中下

卷四

微孔上

微孔下

卷五

談言上

卷六

談言下

卷七

續問上

續問下

卷八

申言上

申言下

胡子齋齊目錄終

胡子衡齊卷一

泰和

胡

南

譔

門人

同

書

廖同春

吉水

鄒元標

陳以星

宋嘉王繼明

王用中同校

言末上

胡子閒居二三子從遊孟山之陽咏歌螺水之濱返而休於長洲之館魚魚于于翼翼疑疑沛焉若有喻其所之已而避席請曰學如是而已矣茂弗一也道

如是而已矣。茂弗明也。而世儒之爭之也。有弗一弗明。何哉。意者言弗可已。與胡子仰坐而肝痒。然不能出語。崖然嘆曰。言何可恃也。言何可恃也。第子曰。道之弗明。學之弗一。不言已。諸胡子曰。道之弗明。學之弗一。則琬見者之爲崇也。琬見如雲。健言如雨。以琬見出健言。而天下束書始業。業乎若嶽。汭汭乎若海矣。夫道何病于見哉。昔者孔子登東山。而小魯登泰山。而小天下。魯與天下非故小也。孔子見之。綦全故也。然孔子猶儉然自命曰。吾有知乎哉。無知也。又曰。予欲無言。孔子寧知其爲見乎。其不爲見乎。而烏爲

乎球寧知其可言乎其不可言乎而烏爲乎健雖然
孔子固嘗循循爲誘終日爲語周易爲之十翼春秋
爲之筆削未能一朝而膠口廢言也然而孔子言之
几席非爲近也而遠如天言之四海非爲遠也而近
如帶言之甍毛非爲小也而大莫載言之昆侖非爲
大也而小莫入言之膚革非爲淺也而幽者聞言之
神髓非爲深也而顯者藏言之瓦礫非爲粗也而幾
微著言之金玉非爲精也而庸常見言之九乾上也
而無不下言之九淵下也而無不上言之一二簡也
而無不繁言之億兆繁也而無不簡言之三千三百

外也而無不內言之無聲無臭內也而無不外平也
如衡變也如權方也如律員也如著眉睫也而長上
古旦夕也而挹千萬世孔子豈巧爲持乎孔子亦直
得其全而已矣今夫宴人之子見一金一綺則唐然
矜闐闐之士見一溪一壑則爽然詠唯夫宅通都而
擁瓊庫戶莽蒼而臨巨浸則非不見非不見非不
言非不言此全不全之分也古之聖人惟全故中
中而言之言焉則不隅唯全故悉悉而言之言焉則不
唯全故實實而言之言焉則不裂唯全故化化而言之
言焉則不隅非獨聖人不自爲隅爲卮爲裂爲隅雖後

之誦之者將腹臆而似之曰是隅耶卮耶裂耶闕耶
亦不得而似之也易繫曰夫易廣矣大矣以言乎遠
則不禦以言乎邇則靜而正以言乎天地之間備矣
此明聖人之爲言也而教無窮也世之爲言則不然
世之語近小淺粗繁下而外焉則之近小淺粗繁下
而外焉健語遠大深精簡上而內焉則之遠大深精
簡上而內焉健健於此則不得不詆於彼當其健雖
君之王之不啻也當其詆雖仇之虜之不啻也彼惡
覩斯道之全哉傳曰仁者見之謂之仁知者見之謂
之知仁知非不處也見仁則病知而亦以病仁見知

則病仁而亦以病知蓋見之爲崇久矣故琢見者其
頽如錐頽脫未有不割者也其裂如火烈焰未有不
燎者也見琢而言健未有不割燎道真者也孟子曰
所惡執一者爲其賊道也舉一而廢百也此之謂也

言末下

何以明其然耶曰老氏曰三十輻共一轂當其無有
車之用夫輻轂與無之兼爲用也明矣唯老氏見無
不見有夫斯以言無焉健彼固不知健無之賊于有
也而賊有亦以病無也荀氏曰鈎木必待槩括而後
直鈍金必待礪礪而後利人之性惡必待師法而後

正夫木之待礪括金之待礪礪人之待師法皆其性之本具而後能也假令木之性若金金之性若木人之性若金木又惡能礪括而直礪礪而利師法而正也哉人性之能爲善也明矣荀氏見惡不見善夫斯以言惡焉健彼固不知健惡之賊於善也而賊善益以翊惡也楊朱曰人人不損一毛不利天下則天下治矣夫楊朱旣不能損一毛利天下則又孰肯出身令天下不損不利哉爲我之不足治天下也明矣楊朱見我不見人夫斯以言我焉健彼固不知健我之賊於人也而賊人亦以病我也墨氏曰仁者兼相愛

古一
交相利又曰勸之以賞譽威之以刑罰我以爲人之
兼相愛交相利猶火之炎上水之就下不可防止于
天下夫賞罰並行則旣不得以兼相愛矣况欲愛秦
人之兄猶已之兄愛秦人之父猶已之父則雖有賞
罰亦莫之能強矣兼愛之不足治天下也明矣墨氏
唯見人不見我夫斯以言人焉而健彼固不知健人
之賊於我也而賊我亦以病人也此四家者健而雄
者也彼其隅耶卮耶裂耶闕耶彼弗皇省也嘗言僻
之天地無弗全美而見者自異天有高虛地有廣漠
彼見而健言之則老氏之家似也天有冥晦地有陰

塞彼見而健言之則荀氏之家似也天之四時興運
地之五方殊風彼各見而各健言之則楊墨之家似
之四家者之後乃又有泥洹家彼泥洹者之爲教也
寥然見諸天地無物之先眇然遊乎天地有物之表
故其爲言滋健而世儒之病之也滋厲匪徒病之又
且高壁深塹以拒之長鋌短矛以攻之矻矻無遺力
天下莫不曉然白也雖然世猶有見者焉而天下未
嘗曉然白也是則可愛也彼其爲言曰日月星辰風
雨露雷天之實盡是矣山川土石水火木金地之實
盡是矣鯁鯁焉焉憑藉其實而健言之則世儒之家似

也夫世儒豈爲非哉亦唯珎而健之則與彼數家者
之執一而賊道亦均而已其爲隅耶卮耶裂耶闕耶
尤弗皇省也今夫天下健其不可見以詆其可見則
信者十一健其可見以詆其不可見則信者十九世
儒者曰是器數是文章則帝王之鴻猷聖神之懿軌
在焉是猶天之日月星辰地之山川土石而人之實
盡是矣則天下孰不拱而信曰允哉言乎世儒又曰
若凡古今士所稱心性原本皆竅言無實用此其流
必爲泥洹氏勿可以聽則天下又孰不拱而信曰允
哉言乎非獨拱信之亦將高壘濬塹以爲拒長鑊短

戈以爲攻有若驅泥洹氏不肯遺餘力豈皆甘器數
文章而毒心性哉誠以器數文章可見而心性不可
見也辟之指一江一淮示人曰此水之至也人莫不
信談岷山之泉求桐栢之源曰是江淮之出也人反
不信則見不見之異也然則夫人烏求其曉然白之
日也世乃不知岷山泉涸桐栢源竭則焉有江淮是
故不見固見之從生也然而多見先焉則真見郤不
聞固聞之從生也然而多聞先焉則真聞瞶此世所
爲殲其根以戕其生鑿其真以乖其全雖天下偉夫
纖人咸薨薨填填安也久矣有不然者厲而相彈而

子欲奮舌軒楮並馳而明之雖孔孟生今時愚不能
克而况其下乎予故曰言不可恃也雖然吾不可已
于二三子昔者子思之語天未嘗不取日月星辰然
必曰維天之命於穆不已天之所以爲天其語聖人
未嘗不取器數文章然必曰於乎不顯文王之德之
純文之所以爲文蓋先其本也此子思所爲全也今
之君子恂知文之所以爲文夫然後能全全能全全
則不以見見不以言言斯可與有言矣

理問上

弟子問曰先生之不恃言也豈我雖然今之學術焚

擊膠輶是非異同其年若訟其拒若攻惟理內外爲
辨各工第子蓋聞之矣自漢儒來咸言物理至宋程
叔子則訂之曰在物爲理紫陽夫子推曰天下之物
莫不有理窮理者窮究物之當然與其所以然之故
則物格知至矣此非自儒者詩有之曰天生蒸民有
物有則如有耳目則有聰明之德有父子則有慈孝
之德未有物而無理者也然則理之在物所從來遠
矣近代儒者欲挽之入內曰理不外心而子故張之
甚是不將絀古而溺今也哉吾惧後之覆議今也胡
子曰嗟夫乎此非予所謂難言者乎夫以千百載之

惑而僅暴于近代之一言宜其緘膝而不可解開聲
而闕其非也言何用益聽雖然子安知古之爲今而
今之非古哉予不聞昔人有先世之廬稱穹廣焉不
幸罹罪偕其妻挈幽于犴狴厥子長育圓扉罕覩天
日一日釋罪復其故居厥子猶以圓扉爲家日促母
以歸母曰是乃家也子終惟惑已而其父証之然後
肯信又有富人子自童亡外旣長行乞遇家而不識
也其父識之引子復家授以帑藏退不敢當已而其
祖証之然後肯從若此者彼豈不欲有先世之室廬
慈父之帑藏哉彼固無以奪習見之先入也况夫理

者非可以形體求而証佐定也又惡能固是非于先
人哉故難言也雖然子今誠以爲理在外與弟子曰
吾嘗求之矣將爲內乎則天高地下萬物散殊雖三
尺童知其在外也強爲內不可也將爲外乎則維皇
降衷若有恒性雖三尺童知其在心也強爲外亦不
可也若是則果無內外歟曰理豈有內外哉雖然子
之信外非信理也而信程叔子之一言予姑以叔子
一言明之昔者先府君嘗讀叔子之言乃著論駁之
曰旣曰在物爲理而又曰處物爲義謂義非理也可
乎旣曰在物爲理而又曰性即理也謂性爲在物可

乎是二語者可謂明矣叔子之非寧待攻而破哉惜
先府君之論散佚不全而世之聽之亦猶圓扉行乞
之子恆惑疑懼不肯自信非借証其父祖終必不信
也請舉其証今夫理之說曷始乎詩曰我疆我理釋
之者曰理定其溝塗也謂人定之也非謂溝塗自定
也然則謂理在溝塗可乎書曰燮理陰陽釋之者曰
燮理和調之也謂人調之也非謂陰陽之自調也然
則謂理在陰陽可乎夫子贊易曰黃中通理言至正
至中而理通焉未聞中正之在物也曰易簡而天下
之理得言易知簡能而理得焉未聞知能之在物也

最後曰和順於道德而理于義其下文則曰窮理盡性以至于命蓋言聖人作易咸理于吾性之義故窮理者窮斯盡性者盡斯以逮夫致命者咸繇之美吾未聞理不在義而在物也亦未聞窮理之理非理于義之理也故夫子又明言之曰聖人之作易將以順性命之理嗟乎吾夫子固明言性命之理而世必以爲在物何哉易書詩與吾孔子之語理若此是吾不得已借証于父祖之說也世旣不自信又捨父祖而不信則誠莫之何焉已矣而又惡用言爲弟子曰弟子得夫子性命之理一言已冰解十五矣不然是教

父紂祖而猥從衆子之謬也然詩所言有物有則何
共曰今子也以耳目父子語物以聰明慈孝語則近
矣然謂聰明慈孝果在于物乎抑不在物乎世固有
病風狂者矣其耳目父子人也曷爲其不聰明慈孝
也哉子也寧知聰明慈孝之則不則于耳目父子而
則于人心也故謂則能則乎物可也謂則在物焉不
可也是以詩人稱之曰秉彝又曰懿德審如世儒之
說則秉彝懿德皆當爲在物而不在人矣抑與書所
稱降衷恒性記所稱生而靜孟子所言根心固有非
由外鑠我者一何其盡戾也彼世儒者信子所謂數

父緇祖而不知反顧者耶而世之徒猶狂奔倒馳唯
愆叛之不先緇之不至若怒濤然鼓晝夜而掀河海
終不知風之自也悲哉故難言也

理問下

曰理之不在物弟子已冰解十七矣蓋嘗繇聰明孝
慈推之則人之統爲五常率爲五倫發爲四端修爲
四德敷爲五教爲五事爲三物四術爲五禮六樂其
極爲九德其事六府三事九疇九經其著爲百行爲
萬善其放之準四海施之天下後世無朝夕堯舜之
禪湯武之伐周公之制作孔子之刪述爲之裁成輔

相爲之範圍曲成斷天下之疑定天下之業成天下之聲譽贊天地之化育鮮不自人心出之是則內者乃未嘗不外也謂之無內外誠然也然而天之高而覆也地之厚而載也日月之明而照也星辰之列而燦也雨露之潤雷風之薄四海之廣六合之大歲序之行而不紊鬼神之幽而不遺河海之流而不息山嶽之時而不毀鳥獸草木之繁育不一其性火之炎水之閏木之文石之脉金之精玉之光是孰理之哉謂皆出人心可乎螻蟻之君臣虎狼之父子鴻鴈之昆弟睢雉之夫婦騶之仁鵠之智鳥之孝神羊之正

犬馬之義麋鹿之慈獺之祭魚豺之祭獸玄鶴之珠
黃雀之環象不拜叛而泰吉了之不願爲夷是孰理
之哉謂皆由人心可乎夫人之百骸九竅五臟三關
莫不有經而醫之治也寒燥溫涼君臣制使投之各
循其軌又孰理之哉謂皆出人心可乎是則弟子未
之徹也予其謂何胡子於是復仰屋拊膺嘆曰是奚
獨子一人未徹哉蓋昔者孔門語理咸不遠人而語
之也故無內外今世之語理遠人而語之也故有外
而已矣子惡得徹子不聞孟子之闢告子曰且謂長
者義乎長之者義乎知義則知理矣子又不聞子思

上下察之肯乎今夫鳶飛戾天自人視之鳶在上也而不知斯人與知與能者之上察也魚躍于淵自人視之魚在下也而不知斯人與知與能者之下察也大哉察乎其諸人心神理之昭誠之不可揜夫是故察之外無理也子知之乎曰聞諸先儒之言謂道自察也而未屬人也曰嗟乎此所謂遠人爲道者也夫子思本以費隱言君子之道而世儒必欲推費隱於君子之外何其與孔門千百徑庭哉此正數千載之惑毋父詔之而不信者而美子尤子見皎日乎吾請爲子譬之方其未有皦日也黝墨荒忽未始有天地

萬物也已而皦日照之則天地萬物列矣然是皦日也其體在天而其光與氣散於天地萬物之間人之執其光挹其氣者一盤盂一皦日也一甕盎一皦日也一淵谷一皦日也一江漢一河海有萬皦日也今如有夸父焉逐日於谷彼亦惡知皦日之體不在是也予知皦日之體之所在則知理之所繇來矣是故天者吾心爲之高而覆也地者吾心爲之厚而載也日月吾心爲之明而照也星辰吾心爲之列而燦也雨露者吾心之潤雷風者吾心之薄四時者吾心之行鬼神者吾心之幽者也江河山嶽鳥獸草木之流

峙繁植也火炎水閤木文石脉峙非吾心也螻蟻虎
狼鴻鴈睢鳩峙非吾心也一身而異數百物而殊用
峙非吾心也是故皦日者所以造天地萬物者也吾
心者所以造日月與天地萬物者也其惟察乎匪是
則亦黝墨荒忽而日月天地萬物熄矣日月天地萬
物熄又惡覩夫所謂理哉予故曰察之外無理也曰
若是則予之言理亦猶夫燮理彊理之謂理即孟子
長六有之謂義也所謂不遠人而語之也果非外亦
非內也然則天地之高厚日月之照一萬物之各有
區別卒不爲理乎曰予之見皦日方其在盤盂甕盎

池沼淵谷江漢河海雖指之曰是盤盂龜盎池沼淵
谷江漢河海之日何不可也然而莫非在天之日之
所括也天地之高厚日月之照臨萬物之區別雖指
之曰是天地日月萬物之理亦何不可也然而莫非
吾心之理之所察也故子思又曰君子之道造端乎
夫婦及其至也察乎天地孟子承子思者也則又直
指之曰萬物皆備於我程伯子得孟子於千載之後
者也則又直指之曰仁者以天地萬物爲一體莫非
已也又曰天地之用皆我之用噫亦眈眈乎矣乃世
之末儒棄母父而不信而猥從衆子之言則誠莫之

何焉已矣曰理之不外心弟子已冰解十九矣雖然
猶有請焉易言乾道變化詩言維天之命上天之載
子思言天命之性孔子繫易曰立天之道立地之道
曰天地之道貞觀日月之道貞明子思又曰天地之
道可一言而盡凡皆自天地言之未可以人心繫也
曰善乎而問之也夫君子之語道有語乎其所自者
有語乎其所有者古之人恒語所自以明所有今之
人則執所自以疑所有非徒疑之又從而仇之今夫
先世之室廬慈父之帑藏方其在先世慈父則謂之
父祖之物及其自人子承之則疇非子物也於此有

人焉對人子而談曰此乃若先世之室廬慈父之帑
藏若不得以有也則人子必艱然怒夫人子之怒非
無故也誠以父祖之物自己承之即已物也而必執
父祖而拒之謂人子不得有則將置人子何地人子
惡得不艱然怒也故語父祖之所自以明人子之所
有則可執父祖之所自以疑人子之非有則必不可
乃若繫辭所言天地日月之道子思所言天地之道
皆自父祖之物言也而亦莫非子物也推而語之則
曰天地之道散而語之則曰萬物之道合而語之則
疇能外吾心盤盂皐盎池沼淵谷江漢河海之皎日

已詔之矣子則易疑且也先天地長上古而不爲老
後天地毀萬物而不爲弊者詎外是哉詎外是哉子
未可語此也曰是未敢語然弟子知天下無心外物
矣况理乎曰若是則子能信其父祖進而自信幾夫

胡子衡齊卷一

胡子衡齊卷二

泰和胡直正甫

譔

門人同邑

郭子章

廖同春

吉水鄒元標

廬陵曠驥

王用中

未陽曾以慎

同校

六鋼

弟子曰旦旦乎先生之語理弟子已冰化矣然而世
儒之訓熟爛乎耳目微經乎腑臟辟諸管崖陰翹非
太陽爲之曲照莫能覩也溝澮積淖非霖雨爲之終

日莫能滌也蓋二三子之錮于中者有六請竟宣之以
瘳承學胡子曰何哉六錮曰世儒之所爲爭而未
肯降者則虛實也天人也心性也體用也循序與格
物也此六者彼方挾以攻我我又安能令彼之有人
哉夫彼之挾以攻我者非其故爲也彼固有似是而
難明者以錮于中也而近儒者語之未竟則是我固
未盡于彼而欲彼之有人于我無異乎其矐然明而
滄然塞也胡子曰然

然則何謂虛實之錮曰昔者世儒立教以萬理爲實
是天地實天地萬物實萬物父子實父子君臣實君

臣夫唯其實而後天下不以幻視若唯求理于心則將幻天地萬物於無何有矣又何有于父子君臣哉此與釋氏所稱三界惟心山河大地皆妙明心中物又何以殊也胡子曰然非也夫萬理之實豈端在物哉其謂實理即實心是也孟子曰萬物皆備於我而下文即繼之曰反身而誠樂莫大焉若實理皆在于物則萬物奚與于我又奚能反身以求誠哉何則人心唯誠則其視天地也實天地視萬物也實萬物父子之親君臣之義不可解于心者皆實理也若人心一僞彼且視父子君臣浮浮然也其極至弑父與君

而弗之忌彼烏覩父子君臣之爲實理哉彼其視天地萬物夢夢然也其極至焚天瀆地而弗之顧彼烏覩天地萬物之爲實理哉故曰不誠無物者此也子欲求實理乎孩提之愛親敬長則實理較著焉今人乍見孺子入井有怵惕惻隱之心則實理較著焉見牛鰌鰌而不忍殺則實理較著焉豈當求實理于親長孺子以逮牛羊哉故理莫實于盡心而莫幻于索物而世孺者自幻視其本實之心而反瞿瞿焉獵獵焉索物以求理認外以爲實曾不知其所索而認者乃其口吻之爲名也楮墨之爲書也影響之爲傳也

意念之爲執也而自謂實也而實固不居乎此也是
所謂以幻求幻其幻不可以究竟矣而強以爲實而
不亦左乎若夫釋氏所稱三界惟心山河大地爲妙
明心中物其言雖少偏而亦不至大繆蓋釋氏者雖
知天地萬物之不外乎心而卒至于逃倫棄物若是
異者非心之不實也則不盡心之過也蓋釋氏主在
出世故其學止于明心明心則雖照乎天地萬物而
終歸于無有吾儒主在經世故其學貴盡心盡心則
能察乎天地萬物而常處之有則是吾儒與釋氏異
者則盡心與不盡心之分也所謂毫釐千里者此也

而奚以罪心哉今夫心之能察物猶水之能流火之
能炎也苟有人焉瀦水不流而欲其常澄宿火不炎
而欲其常燭亦豈水火之罪哉而世乃獨以虛幻不
實歸罪于人心則又烏取實哉雖然使世儒誠有得
于盡心之旨則實者未嘗不虛而虛者乃所爲實也
實無不虛實而隱也無聲無臭是也虛無不實微之
顯也三千三百是也其究一也而世儒未達也

何謂天人之錮曰程叔子有言聖人本天釋氏本心
本天者以爲道之大原出于天故叙爲天叙秩爲天
秩命爲天命討爲天討工爲天工官爲天官咸自天

定之非人心所得增損者也聖人本之則曰物者理之所攸存故其求諸物理者將求出于天者以爲定也而人心之私不與焉是故聖人之道達諸倫物以爲經常行諸萬世以爲準則者誠得其天也彼釋氏者曰三界惟心山河大地皆妙明心中物是獨以心法起滅乎天地覩三界與山河大地不足有無於是焉屏居以覩空跏趺以求慧禪那足悅而寂滅爲樂其極則逃倫棄物而卒爲天下之大憨斯道之魁賊此非本心者之誤歟胡子曰然非也夫程叔子以聖人爲本天將本其蒼蒼者與抑本其所以爲天者與

若蒼蒼者則莫爲之本矣若天之所以爲天則當其
皇降之衷天命之性固已在人心久矣曩所謂先世
之室廬慈父之帑藏莫非子物者是也然則聖人之
本天舍人心又孰爲本哉書曰惟天生萬物惟人萬
物之靈孔子曰天地之性人爲貴夫人之靈且貴者
以是心之出于皇降天命者也所謂道之大原出于
天者此也非心之外而別有天也是心也在詩曰帝
則在書曰皇極曰天之明命在記曰天理在孟氏曰
此天之所以與我儒者又字之曰天神天明曰天聰
明又尊之曰天君故其達諸倫物曰天叙天秩行諸

政治曰天命天討蓋不得以一私意奸於其間故曰
天也苟一私意奸於其間則雖自悍夫行之必有厭
然而不中慊苟一私意奸於其間則雖自愚夫當之
必有悌然而不中甘彼悍夫愚夫豈嘗考物理哉則
心天者爲之也程伯子曰以心知天譬如在京師更
不可別求長安言至一也審如叔子之言則天之生
物莫不有理而人心獨無一理居焉何天之厚物而
薄人者甚也其可通乎謂凡人之本心者即有釋氏
之失則此心因爲人之大衆人固不幸而有是心天
亦不謫而界人以心矣其可通乎若是則聖人謂人

爲靈且貴者咸歸之誣而帝則皇極明命天理皆當
剝心剝性別有一物以索諸焚焚芸芸而後爲得也
其可通乎若是則仁義禮智不可謂根心愛親敬長
不可謂良知而世之言根心良知者必皆獲罪於天
而非吾人之所當本者也其卒可通乎審如叔子之
言吾不知天者何在而本者又何物吾聞古之人有
不雜知識以順帝則者矣未聞多其知識以求帝則
于物者也有不作好惡以建皇極者矣未聞恣其好
惡以求皇極於物者也有顧謬以奉明命反躬以窮
天理者矣未聞不顧謬不反躬求明命天理于物者

也有先立乎大以不失天之與我者矣未聞舍天之
與我而別求諸物者也蓋惟不雜知識不作好惡反
躬顧謔以先立乎其大則達諸倫物爲天之叙秩行
諸政治爲天之命討逆諸靈臺而通諸天下之志宰
諸方寸而準諸千萬世之衷將俾賢知者不以爲少
而愚不肖者不以爲多千萬世之上不以爲古千萬
世之下不以爲今所謂不得以私意增損其間者不
增損其心天故也是所謂本天也伊尹之告大甲曰
一哉王心周公之告成王曰旣厥心殪厥心未聞外
心以求天亦未聞本心之遽爲釋氏也世儒者不能

自信其心天也乃果焉索諸焚焚芸芸以求之吾見
世儒者勤如算沙探如射覆析如擢髮泛如望洋勞
積磔裂膠固紛披不勝其推測不勝其安排思匠攢
于戈矛心機馳于猿馬搜窮愈精比擬愈似而天者
愈離曾不知意必勝而固我橫吾未見世儒之能本
天也叔子之言亦自枉枉天矣曰然則釋氏曷爲其
棄倫逃物若是異哉曰釋氏之失吾前已言之其失
在偏于出世而已何謂出世超死生是也即老氏所
謂死而不亡莊氏所謂有且宅而無情死獨與天地
精神往來而不傲倪於萬物者其爲學亦非有大戾

于天者之比而吾聖門盡性至命之全則亦未嘗不
馴至之而不必偏以爲功也太惟釋氏者之偏以爲
功則不得不逃倫棄物禪那寂滅以從事于不生不
滅之歸矣吾前所謂宿火欲其長煇渚水欲其長澄
即彼之不生不滅是也是其見偏而學駁者之過也
而未可謂心之罪也亦猶夫宿火渚水者之過而未
可爲水火之罪也彼也自謂之先天矣而不知吾聖
人合先後皆天也故爲全彼也自謂之形上矣而不
知吾聖人通上下皆道也故爲大彼之火專宿而已
矣而聖人之火宿而靡不炎炎而靡不燎也彼之水

專渚而已矣而吾聖人之水渚而靡不洩洩而靡不
灌也彼之心專寂而已矣而吾聖人之心寂而靡不
通通而靡不盡也今不知咎在專寂以出世乃獨詆
人心而罪之可乎夫聖人盡心而達天賢人存心而
事天吾無庸言若二氏則遺物溺心任天于內世儒
則執心徇物擬天于外二者均未得于心則均未得
于天矣孰曰心與天二本哉

何謂心性之錮曰先儒以爲心者止于知覺而知覺
所具之理爲性故其言曰能覺者心所覺者理意者
覺虛而理實則心虛而性實此心性大較也故心性

雖不可離而尤不可混其果然歟胡子曰然非也夫
先儒以知覺爲心以實理爲性固可謂不混矣然以
理爲在物則性亦當爲在物是性雖不與心混而不
免與物淆矣其可通乎曰先儒有言性者心之理又
曰心統性情則未嘗不以性具于心者也獨未認知
覺爲性耳曰若是則先儒之語理與性也一以爲在
物一以爲在心是在物在心其各相半焉已矣其又
可通乎曰然則子將奚析曰心性奚能析嘗試譬之
心猶之火性猶之明有一星之火即有一星之明明
不在火之表性猶火之明情猶明之光有一星之明

即有一星之光光不在明之後故謂火與明與光異
號則可謂爲異物則不可也謂心與性與情異文則
可謂爲異體則不可也予不見性之文從心從生夫
人心惟覺則生弗覺則弗生惟生則理弗生則弗理
假令捧土揭木儼若其形象以衮舄載以皞冕立傳
而告之曰是爲父子之親君臣之義蓋塊如也而况
物理何者以土木無覺故也是以舍人心之覺則無
性矣又焉有理哉是故蘊而仁義禮智藏焉始非有
物焉以分貯于中也則覺爲之宰也感之惻隱羞惡
辭讓是非形焉亦非有物焉以分布于外也則覺爲

之運也方其宰也而無不運雖天下之至虛而無不實也方其運也而無不宰雖天下之至實而無不虛也故覺即性非覺之外有性也性即理非性之外有理也又烏有夫覺虛理實心虛性實之謂哉夫覺何以若是至哉帝降之衷天命之性靈而則生生而能理故也是故帝堯之謂欽明帝舜之謂濬哲文王之謂緝熙大甲之謂明命成王之謂光明伊尹之謂先覺大學之謂明德衛武之謂有覺德行程伯子之謂明覺自然紫陽夫子亦謂之本體之明疇非是也曩子所謂五倫五教五事三物九德四術五禮六樂六

府三事九疇九經以造天地萬物無有端崖疇非是也然則所覺者即能覺者爲之也向無能覺者則亦捧土揭木已爾亦烏有夫所覺者哉曰先儒又言覺於理則爲道心覺於欲則爲人心今先生以覺語性安知不覺於欲而爲人心歟曰審如先儒之言是烏足以言覺古者醫書以手足痿痺爲不仁言弗覺也誠覺則痛痒流行而仁理在其中矣豈覺之外而別有痛痒別有仁理哉是故覺即道心亦非覺之外而別有道心也人惟蔽其本覺而後爲多欲爲人心當其爲多欲爲人心則雖有聞見知識辨別物理亦均

爲痿痺而已而奚其覺然則謂覺爲覺于欲者非也
曰釋氏以作用爲性若是則胡以異也曰吾儒之語
性有專以體言者記所謂生而靜者是也有專以用
言者孟子所謂惻隱羞惡辭讓是非是也若獨以作
用罪釋氏則孟子亦失矣此未可以正其非夫覺性
者儒釋一也而所以異者則盡與未盡繇分也吾嘗
比釋氏於宿火涪水而水火奚罪哉今柰何嫌于覺
性之相近乃至駢拇物理以相別也可乎昔漢廷欲
盡誅中常侍而濫及于無賴者他凡無賴者惡及已
也乃皆盡賴以自別今之儒者惡近釋氏而必求物

理以自別是亦盡發者之自爲贅也豈不過甚矣哉
曰子固合心性而一之矣然夫子稱回曰其心三月
不違仁孟子又以藟糝喻理義若是乎析也何哉曰
世儒之藉口也久矣甚哉其泥文牽義之無際也信
如世儒之疑則仁亦爲在物矣顏子又安得挽在物
之仁而不違於心哉不知仁人心也心存則仁自不
違非心外索仁也顏子雖大賢或不能盡存于三月
之后夫子所以稱而激之豈謂仁與心爲二物哉若
夫理義藟糝人孰不知孟子之取辟也豈誠以理義
之在物哉世儒外理而物之而義又可外乎其哉泥

文章義之莫彥也子姑反觀無滯吟鑿惑也終身

何謂體用之錮曰夫道有體有用未有有體而無用
有用而無體者也記稱未發體也發而中節用也易
繫稱寂然不動體也感而遂通用也性即體也情即
用也體用苟可相遺哉今子也辨理以察而語性以
覺無乃溺於用而遺於體與胡子曰然非也夫發與
未發寂與感雖有體用而無先後蓋嘗以火之明與
光言之矣明與光亦有體用而無先後假令有人呼
火之明曰是光也又呼光曰是明也則無不可者又
不觀諸鑑乎鑑之未有物也其明與照自若也而非

有損既有物也其明與照自若也而非有增明與照
亦有體用而無先後假令有人呼鑑之明曰是照也
呼照曰是明也則無不可者然則體用又曷可執言
哉昔者樊遲問仁子曰愛人問知曰知人孟子之語
性善曰乃若其情孔孟豈皆溺於用者與古之君子
語體而用無不存語用而體無不存以其心無不貫
也豈若世儒語體則截然曰是不可爲用語則截
然曰是不可爲體彼其截然者以其不貫於心而局
於字也是亦泥文牽義之爲賊也亦猶爲火爭明與
光焉爲鏡爭明與照焉爭者方紛然分別而火與鏡

固未嘗分也豈不贅哉且體用之義六經無有也唯
釋氏有之釋氏曰吾言如黃葉止兒啼耳非可執也
今吾儒襲用其義乃至語理語物必因體用而成四
片自以爲分更漏筭繭絲不知其文義愈析其論辨
愈執而道愈不謀矣其又不可悲乎然則謂心之覺
爲性爲體謂心之察爲情爲用可也謂覺性兼體用
可也謂覺即察察即覺體即用用即體亦無不可者
然則語道而必曰有無虛實動靜內外體用截焉是
誠無異乎其刻舟而劍已遠

何謂循序之錮曰古者學不躐等教不凌節貴有序

也否則欲益而賊之者至矣以孔子上聖猶曰下學而上達其教人也曰中人以上可以語上中人以下不可以語上是孔子且不能躐等而學凌節而教而況衆人乎故古之小學必習於少儀曲禮學於詩書禮樂未有先從事心性也今子嚶嚶然唯心性之務先靈覺之獨切吾恐先後序紊而中下者惘然弗之入矣然則書所稱學于古訓易所言多識蓄德則又何也胡子曰然非也不聞大學之教曰物有本末事有終始知所先後則近道矣古人以先本後末先始後終爲序未聞先末與終之爲序也猶之種樹必先

植其根而爲之培灌積日而累月焉然後其枝幹葉
葩從而敷茂其爲序何漸也猶之治水必先濬其源
而爲之䟽決積日而累月焉然後江淮河漢從而涵
浸其爲序何漸也心性者學之根與源也古之大學
欲明明德于天下國家者乃推極其本曰先修其身
而修身先正心正心先誠意誠意先致知而知即性
也然則君子曷嘗不務先于心性哉其爲序亦何異
于植根濬源而積日累月者之爲漸也世儒乃反以
先本爲非必欲窮索物理而豫求于末終又何異種
樹者先求其葩葉導水者先事于江河非獨凌節蠟

等亦將莫究其所底矣是不爲紊也孰紊哉夫本末
非二物也立本固以豐末而顯末未有能生本者也
若孔子所謂語上語下下學上達要亦本末之間均
有上下非謂以本爲上以末爲下也蓋自用力者而
言謂之下自得力者而言謂之上孔子告顏淵仲弓
則并其得力者而語之是所謂可語上者也告樊遲
司馬牛則止曰恭忠敬曰訥言而未嘗及得力之事
是所謂不可語上者也然仁即心也性也恭忠敬訥
言即存心也養性也孔門曷嘗不以心性教亦曷嘗
不以心性學哉蓋心性自不離乎言行而言行固皆

出乎心性第曰心性本也而未可後焉爾非離言行
爲心性者也小學者習于少儀曲禮治于詩書禮樂
皆將以收攝其心磨礱其性禁於未然而非專求其
文義已也故曲禮發篇曰毋不敬風雅大旨曰思無
邪孔子教弟子入孝出弟謹信親仁最先而學文特
餘力耳然則聖人教學先後之序蓋可覩已豈嘗以
先末爲序哉且學於古訓者其孰爲古歟蓋莫古於
精一執中之學而人君尤務先焉人君者雖未可以
廢書然一日二日萬幾若必如經生學究以討求乎
物理其勢不可得矣堯舜之智不能徧物况後世乎

經曰自天子至于庶人壹是皆以修身爲本若以理爲在物從物而索之則上必不能通於天子下必不能通于庶人又奚足以言理若夫前言徃行亦莫非自古人心性出也故君子多識前言徃行專以蓄德非曰泛然馳騫物理者倫也昔者謝顯道舉史不遺一字程伯子譏之曰玩物喪志然則古人之學古多識又可觀已亦豈以先天爲序哉而世儒迄不自知其爲紊也嗟嗟

何謂格物之綱曰第于荷明訓內反諸心外印諸經其於致知之肯綮矣何則知也者即經文所謂明德

是已致知者即經文所謂明明德是已以是知東越
致良知之訓雖孔曾復生無以易也然東越訓格物
曰正其不正以歸于正則似與正心義相涉矧初學
者猝難了也蓋嘗聞之舍頡鵲鳥跡而作字奚仲觀
轉蓬而造車中古聖人仰觀俯察制器尚象莫不取
諸物觀冠員象天履方倣地聘取圭璋樂徵律呂婚
陳鴻鴈贊用雉羔授時假諸璿璣考祥驗諸蓍龜三
公擬自三台五等法乎五行帝堯之十二章咸有取
義故曰天生神物聖人則之天地變化聖人效之天
禹象見吉凶聖人象之河出圖洛出書聖人則之聖

人者雖未嘗索物求理亦鮮不因物觸心哉然則致
吾良知而無遺物豈亦其旨與胡子曰然非也夫以
經訓經則經可明移經就已則義益晦世儒以至訓
格矣乃轉而爲窮以物語物矣乃增而爲理是正所
謂移經以就已經安得不晦焉經上文不曰物有本
末而下文即以格物應是寧有二物哉格有通之義
致知在格物者蓋言古人之致其良知雖曰循吾覺
性無感不應而猶懼其泛也則恒在於通物之本末
而無以末先其本夫是則知本即格物而致知之功
不雜施矣故其下文曰一是皆以修身爲本其本亂

而未治者否矣其卒語曰此謂知本此謂知之至也
吁亦明甚矣異時夫子曰反求諸其身孟子曰反求
諸已又曰萬物皆備反身而誠皆格物疏義也括而
言之曰知本而已夫致知非遺本也而其求端用力
茲茲反顧尤在於本而後能不泛也而末學者未嘗
一力其本乃先以窮索物理爲事濫焉浩焉如買舫
之無所歸不倒置而拂經也哉彼旣倒置矣而猶自
以爲知序不尤倒乎而子又以制字造車仰觀俯察
制器尚象者言之是特以語聖王開物成務之故而
無裨於學者求端用力之方此正謂先末後本先終

後始其於大學之道不充倒而重傷乎曰格物則然窮理何居曰窮之義盡也極也而非謂窮索也易繫曰窮神知化夫神不可致思矧可索乎故窮神有極神之義焉窮理則亦然矣記曰窮人欲滅天理得非謂極欲而滅理者耶誠使極天理則滅人欲矣窮理者即極夫天理之謂也豈在物哉是即所謂致知所謂明明德故程伯子曰才窮理即盡性至命更無次第不可以窮理屬知之事而世之言窮索物理者遠哉曰先儒曰理有所當然所以然此非獨自人身雖一草一木亦皆有之曰一草一木則烏覩夫所當然

所以然者哉。儒者豈不曰草木之生有時而形有定。此所謂理也。然而有春花產乎冬實。樗質生乎人而仆而毘伐而血者。何哉。人曰此草妖木怪也。然謂有怪理可乎。彼其所當然所以然則奚以窮也。豈不曰天清地寧日晝月夕。此所謂理也。然而有裂陷眇眇。不慮寧珥畫星而夜日烏夾而覘貫其極。則有雙月兩日日中見人馬戰鬪之異。又有山移數里而重魚猝生雨毛隕石穴犬井羊之殊者。何哉。人曰此變象也。然謂有變理可乎。彼其所當然所以然則奚以窮也。豈不曰大德受命作善降祥。此所謂理也。然而孔

子旅人下惠三黜顏回夭折仲弓癩死者何哉人曰
此異數也而謂有異理可乎彼其所當然所以然則
奚以窮也曰弟子聞諸陰陽人物之失傳洪範者皆
歸咎於人事乃至春秋以降明王不作則何疑於尼
惠之不過曰若是則理之在人不在物也益瞭矣知
本之學可後乎哉